

# مجموعه ابو الخضر

ماسوا شایه سندن دلی تطهیرہ پالاش  
بر تو حکمت و عرفان الیہ تنویرہ آتش

هر ماه عربی ابتدا سیله اون بشده نشر اول نور فنون مجموعہ سیدر .

جزو ۳۲ [ فی ۱۵ ربیع الآخر سنہ ۱۳۰۰ ] [ نسخہ سی ۳ ] فروش

## انتحار (\*)

[ وولتر دن مترجدر . ]

انتحار علی العموم ضعف قلبدن طولانی دوچار مایوسیت اولنلر طرفسندن التزام اولندیغنه حکم ایدیلور؛ وفی الحقیقه اکثر انتحارلرک اسبابی تحریر اولندقدنه انفعالات نفسانیه نتیجده سی اولدیغی تعین ایلور ایسده بو حکمی عموماً اختیار انتحار ایدنلره تطبیق و تعمیم دخی موافق صواب اوله مز .

از جمله رومالیردن قاطون، بروتوس، قاسیئوس، آریا، امپراطور اوطون، مارق آنتوان و یوزلرجه مشاهیر انتحار ایتشلردر که بونلرک هر بری مالک قلب متین برر کزیده روزگار ایدی .

مشارالیهک سبب انتحارلی وضع وناموس الجاسیله ایدی؛ زیرا بونلرک هر بری بولندقلری موقعه کوره الی الابد ناموسکارانه معامله یه موفق اوله میسه جقلرینی ادراک ایتلرندن ناموسیله اولمکی ناموسسز یشامغه ترجیح ایتشلر ایدی .

بزه کندیغی تلف ایدیورز . شو قدر وار که بونی بر زیان کلی یه دوچار اولدیغمز زمان و یا خود اوغورنده اختیار انتحار ایده جک برکونه مزیت وحیثیتی اولمیان برقادین حقنده حاصل ایلدیگمز شدت محبت مغلوباً و تعیر آخرله اوقادینه مالک اولمق هوسنک مبدل نومیدی اولدیغی وقت منتهر اولیورز .

بن اوله قادینلر طانیدم که دنیاک اک احق کیسه لری اوغورنده انتحار ایتشلردر . بعضاً دخی خسته لکدن بیرار اوله رق تلف نفس

(\*) انتحار افتعال وزننده بر آدم کندی نفسی قتل ایتک معناسنده در :

يقال انتحر الرجل اذا قتل نفسه . [ قاموس ]

ایدیلور . هله بو صورتک تامیله ثمره ضعیف قلب اولدیغنده قطعاً شبهه ایدیه عز .

موجودیتدن نفرت ایتک و نفسندن بیرار اولوق دخی بعض کره انتحاره سبب ویرمکده در . بوکا علاج ایسه ریاضت بدیه ، موسیقه ، شکار ، قومدی ( یعنی مضحکه ) و یا شایان محبت بر وجود .  
 بوکون براندوهه تبعیتله انتحاره قرار ویرن بر کیسه صبر ایدوبده فعل انتحاری سکز کون قدر تأخیر ایلیه جک اولسه هیچ شبهه بو قدر که سکزنجی کونی او فعله اجتناسار ایتدیکندن طولایی مستغرق مسار اولور .

رأی العین بر انتحار مشاهده ایلدم که عموماً اطبا و حکماجه شایان دقتدر :

۱۷۶۹ سنه سی تشرین اولنک اون یدنجی کونی بر ذات انتحار ایتشیدی که بو آدم غایت جدی ایش ایله اشتغال ایلر ایدی . کندی سن کالده بولندیغی کبی شهوات نفسانیه ک تغلبندن دخی آزاده برحاله ایدی . درد معاشه مبتلا اولوب رفاه ایله یشار ایدی . والحاصل انتحار ایچون هیچ بر سبب ظاهری یوق ایدی .

مومی الیه انتحارندن بر کون اول بلدییه مجلسنه اسباب انتحارینی ناطق بر مکتوب ارسال ایتشدر . بلدییه مجلسی مکتوبی قتح و قرائت ایلدکن صکره آخرک هوس انتحارینی موجب اولور اندیشه سیله ورقه ک نشرینی جائز کور مامشدر .

بورایه قدر شایان تعجب برشی یوقدر . بوکبی مثالره دائماً تصادف اولور ؛ لکن ایشک الک غریب جهتی شوراسیدر :

مومی الیه ک پدری و برادری دخی کندیسنک واصل اولدیغی چاغده ایکن انتحار ایتشار ایدی . عجبا پدر و اولادی عینیه بوسنه واصل اولدقلری زمان فعل انتحاره سوق و تشویق ایدن سر تقدیر

نصل بر سر خفی در؟ عجباً بعض امراضك پدران اولاده انتقال ايله  
هلا كنه بادی اولیشی کبی بوده پدران اولاده انتقال ایدر بر مرض  
معنوییدر.

ایشته فیربولوژی (یعنی فن معافع الاعضا) اربابی عنسدنده  
شایان تدقیق اولان حال بو حالدیر.

§

عشق و محبت تابع اولهاری انتحار ایدن قیرلز طبیعتك محبت دخی  
شامل اولان قاعده تبدلنه اعتقاد ايله امیدده بولنه حق اولسه لر شهید سز  
بو قصددن فارغ اولورلر ایدی.

عجباً انتحارك شهرلده کویلردن زیاده کثرت وقوعده سبب  
نه در؟ چونکه کویلرده یالکز بدن مضطربدر. شهرلده ایسه متالم  
و مضطرب اولان روحدر.

بر حقبحی جان صفندیسنه و حزن و اندوهه تابع اولوق ایچون  
وقت بولمهز. انتحار ایدنلر ایسه اکثریا ایشمنز کوچمنز اولاندردر.  
بوتنرورانه ایسه خلق مسعود آدملر نظریله باقیور. واقعا صورت  
مسعودیتلرینی افعال اخیرهلری کوستریور!

انتحار سوداسنی دفع ایچون اك اعلا علاج و تدبیر بوش اوطو.  
رمیوب مشغول اولمقدیر.

بعض غریب انتحارلر!

قونت دوپتهر بورغك همشیره زاده سی [فیلیب موردون] کنج،  
یا قیشقلی و معشوقه سی طرفندن مظهر محبت کامله اولمش اولدیغی  
وهنوز یکر می یدی یا شنده بولندیغی حالده بردن بره دیسادن نفرته  
بورجلیرینی تأدیه و دوستلرینه بروداعنامه تحریر ایدر.

مکتوبنده سبب انحصاری این ایتضاح ایتماش و یالکز روحنک بدندن  
اوصاعش اولدیغی و برخانه دن اوصاعش کیمسه نك اوخانه یی ترکه حق  
بولندیغنی بیان ایتشد . ( مابعدی کله جک جزوده )

### وصایای مدینه

برطاق وصایا واردرکه کاشانه مدینده وساده نشین امن و  
استراحت اولمق آرزوسنده بولانلر ایچون تلقیسی فائده دن خالی دکلدر؟  
چونکه مدینتک تعریف مجملی [ آسایشده کمال ] اولدیغنه کوره آنک  
اخلاصه بادی اوله جق حالادن مجانب و استکمانه مدار اوله جق  
وسائطک تدارکنه صرف مقدرت ضروریات مدینه دندر .

واقعا هر نوع وصایا و نصایحک بعد الاستماع مواد عادیه صره -  
سنه بکجه جکندن امینز . فقط بزه ایقا اولسان بر نصیحتدن حاصل  
ابتدیکنز فائده یه قبل النصیحه نائل اولدیغمنی اولسون منصفانه اعتراف  
ایله آندن هر زمان استفاده یه چالشمی یز .

مثلا هیچ برکیمسه تصور اولتمز که خوابگاهنده برده ییلان بولنه  
بطلسنه اهمیت ویرسون . وینه هیچ بر آدم یوقدرکه خوابگاهنک  
ییلان دن و ییلان قدر مضر برطاق حشرات و موزیاتدن مصون و بناء  
علیه کندیسنک حالت نومده بودرلو خواطر حشیتدن مأمون بولندیغنه  
قائل اولسون . بو حالده برآمده یاندیغکز او طرده احتیاطاً برحقه  
ریاق و یا بر شیشه آمونیاک بولندیرکز و یاخو یتاغکزک اطرافنه  
براز دوکولش کافوری سرپکز، هم عفونت هوادن منبعث برطاق  
امراضه میدان ویرماش و همده حشرات و موزیاته سدراه تجاوز